

Ser.834/8*

A13/B/115

M.R.Masete

Mametsa History.
Magosi a ga Mametsa.

K34/115

12 5 pp.

1/3

1

0-1A

2

Kgosi ya pele ke Mametsa ena o be a thoma go busa setshaba sagwe nageng ya kgole kudu mo ba goba ba dutsi ntshe mabapi le Mapulaneng ka mosola wa noka ya Sabie mowe kgosi Mametsa a dula ntshe. Mabaka a mantisi le setshaba sagwe a ba le bana bagwe ba bathlankana ka bararo. Bjale ba tloga mowe ba dula Mafakaleng go sa busa ena kgosi Mametsa. Ba dula gona mengwaga ya go lekana masome a mane a mengwaga. Bjale mowe a thoma go tsenella ke makgema gona mowe Mafakaleng mowe ntwaga ya ba e kgolo kudu, bakgalabjwe le basadi ba bakgekolo ba tshabele dithabeng go dula ntshe. Bjale go sala banna le masogana bawe ba etukisetsi tse go go thlabana le Makgema awe bjale mowe gwa bolawa setshaba sa ga Mametsa kudu bjale Mametsa a bona gore setshaba sa ka se fedile kudu a tloga mowe Mafakaleng a ya a dula mabapi le Ohrigstad.

3

Bjale a hwa gona mowe bjale gwa sala barwa bagwe ba bararo bjale gwa sala go busa morwagwe Madie le ena a dula mowe Ohrigstad, mabaka a mantisi a thoma go bolotsa bodika bjale re tla thoma go thlalosa lebollo la banna ka nkgwa o ba thomago ka ona bjale banna lebollo la bona le fapane kudu le lebollo la basadi.

4

Bjale banna bona ba thoma ka go ba bathlankana ba go lekana mengwaga e supago le lesome la mengwaga le mengwaga e mebedi bjale mowe Madie o thoma go ba isa komeng ya bodika gore ba e go bolla bjale kgosi Madie a bolotsa bodika bodika pele bo sesu bja tswa go ya go bolla bathlankana bawe ba etukisetse go ya go bolla ba kgobakana mowe kgorong ya kgosi Madie ba lala ba bina kosa ba tiya meropa bjale mowe ba tlatsa lesata le legolo kudu gore kgosi a be a tsoge a ba butse gore na le reng bana le lala le mphoka bosego ka noka le boroko a ke bo bone bjale bona ba botsa kgosi Madie gore morena re gotse re nyaka go bolla. Bjale kgosi Madie

RM/

- 5 a bitsa batswadi ba bathlankana bawe ba etukisetsi tsego go ya go bolla le bona ba tla ba kgobakana mowe kgorong bjale kgosi e thoma go ba thlalosetsa gore bana ba lena ba re ba nyaka go ya go bolla bjale batswadi ba bana bawe ba thoma go butsisisa bana ba bona bore na ke thereso ditaba tse kgosi a bolabolago tse o kwile lena na, bana bawe ba dumetsa ka moka ga bona ba re ee ke rena re re go re rata go ya komeng bjale ba re go lukile kgosi e tlo le bolotsa. Bjale mowe kgosi e
- 6 beelana le batswadi ba bana bawe lebaka le lebotse la gore koma ya bodika e tswa bjale mothlang owe e ba lethabo le legolo kudu kgosi Madie o tlisa mabjala a mantsi kudu a tlala kgoro ka moka banna le bakgekolo ba dula mowe kgorong ba nwa mabjala awe.

- Masogana bona ba swere dikgati ba kitima le kgoro ka moka ba tiya na ka dikgati bjale mowe ke lethabo le legolo kudu. Ka mora go ga mowe bjale bathlankana ba kgobakanywa mowe kgorong ba kerwa meriri ka sekero bjale letsatsi a le setse le ya go dikela bjale bodika bo thoma go tswa ba thlaba mokgosi
- 7 o mogolo kudu bjale bathlankana ba thoma go kitima ka lebelo masogana a ba etile pele ba kitima ka lebelo ba libile dithekeng tse dikgolo fase ga dithaba mowe bodika bo swanego go bolla ntshe bjale a ba fithla mowe ba swanetse go ba beya go gongwe bjale ba tsea mokgalabjwe yowe o mogolo kudu wa go rwala kefa ya dibatana ena o dula ka gare ga matlapa a magolo a swara mphaka o mogolo wa bogale gore a tle a ba ripe ka mo pele ka ona bjale o bitswa gore ke samphaka. Bjale ba bitsa
- 8 ka o tee ka o tee ba etla ba mo ripa a tswela ka theko ba fela ba re ngwanaabo a etla ke moka ba re le kwelele lekwelele ba fosa, matlapa kwa matheko gore a tshoge a se ke a tshaba bjale ba mo swara ba mo dudisa fase ba mo ripa ba mo lesetsa ba re ngwanaabo gore go tle yo mongwe gape fela ba ya ka go latelana ga bona go fithlela ba fella ka moka.

Bjale ba ba tseya ba ba isa mowe ba swanetsego gore ba dule gona ba ba agela mosasa o mogolo kudu ba aga ngwako o mogolo kudu bjale ba dula mowe

9 gona bjale leina la mowe ba dutsigo ntshe go bitswa gore ke Morotong goba mphathong. Basadi a ba tsene le bathlankana bawe ba sesu go ba ya komeng a ba swanela gore ba tsene mowe mphathong bjale ka morago ga dibeke tse pedi ba re lesasa le hubetse bjale thlaloso ya gore lesasa le hubetse ke gore bodika bo fedile bjale gape ena kgosi Madie o botsa batswadi bana gore bana ba lena ba bjale ba fodile go setse gore re ba tswalle dikoma.

10 Bjale mowe gape bodika a bo apare selo a bo bolla bosego le mosegare go fo swana bjale mowe gape le bouswa bja bona bjo ba jago bjona a bo swane le bjo ba goba ba ija bjona a ba sesu ba ya go bolla ba ba apeela bjago tiya kudu ba ja bjona bjale a ba ija a ba ji go swane le mo ba sesu ba ya go bolla ba jela gedimo ga mathlare le gona ba teiwa kudu ba kokobane ba thabile fase ka matolo bjale monna x yowe a ba emeletsi tsego ka kgati a fela a re thlabi thedi gore thlabi thedi ke gore kwatanang ka matolo fase fela yowe a sa kwatamego

11 ka pela o swanetse go teiwa ka kgati gedimo ga thlogo bam swara bouswa ka matsogo ka mabedi bjale mafelong a ba feditse go ja ba swanetse go ya go dula kowa mollong ka maemo a bona bjale monna yola a go ba a ba emeletse tse kowa e ja o tlile ema ka mowe ba dutsigo a ba thlabela molao o thoma ka gore pidibotsha bona ba re a bjabeya a re bjabeya bothlwele kae ba re matshela tshela a bo kgwale

12 bjalea re samphake a tloga bona ba re madimule o wa sala bjale mowe o ba botsa kosa ewe ba swanetsego go e epella yona bjale ba goba mogobo o mogolo banna masogana bona ba tiya naka dikgati ba bangwe ba goba tsana kudu fela a ba be le molato ka gore ke papadi ya bona bjale mowe banna ba bagolo ba tsena ka gare ga masogana awe a tiyanago ka dikgati ba emisetsa matsogo gedimo ba re sikoma sikoma gore sikoma ke gore lese-tsanang, le tiyane ke tsona. Bjale le bona ba lesetsana go tiyana bjale ka morago ga mo ba feditse digwedi tse pedi bjale

RM/

13

kgosi Madie o swanetse go kgobakanya batswadi ba bana gape
gore bjale bodika bo swanetse go fetolela mowe batswadi ba bana
ba swanetse go tsea mabele a lootsa ba tshela metsing gore
a kolobe bjale a mele a bitswe gore ke mmela ba sile ba dire
bjala ka ona a gole bana tsatsi lewe kgosi e ba butsitsego lona
gore ka letsatsi la gore mabjala a swanetse go loka gore bodika
bo swanetse go fetolela bjale gape eba makete o mogolo kudu
tsatsi lewe balitsi ba diphalafala ba letsa ba bakile gona

14

kowa bodikeng e se ka moswanyana go tsosa bodika gore ba e go
tsoma kgaka ka lona tsatsi lewe ka gore kgaka ke nonyana ya
go dula nageng bjale kgosi Madie o bolabola lentsu la gore
banna ka moka yowe a tlogo swara kgaka ewe bjala ka moka bo
swanetse go ba bjagwe. Gape kgaka ewe a e ka swara ke bodika
bjala ka moka ke bja kgosi mowe monna yowe yo mongwe le yo
mongwe o swanetse go swara molamo wagwe gabotse gore nke e ka
bolaya ke nna gore bjala ka moka e be bja ka. Bjale bodika le

15

bjona bo swere melamo gabotse gore nke go ka bolaya rena gore
bjala e be bja kgosi mowe bjale matsatsi a mantse go fela go
bolaya bodika kgaka ewe ka gre ke setshaba se sentse kudu
go fitisa banna ka bo ntsi bjale kgosi e swanetse gore a ba
buile ba tle mowe kgorong ya kgosi gore ba tle ba botse kgosi
gore kgaka e bolaille ke mang, bjale a go bolaille monna goba
bodika ba swanetse go thlalosetsa kgosi bjale ba be le molao
wa gore ba tsee kgaka ewe ba e be mo fase bjale ba thome go
thlabela bodika molao. Mowe go thakgoga mokgalabjwe yo mogolo

16

a thlabela bodika molao wa gore kgaka moopane moopa le tsela
mae kobeya kae, bona ba fela ba re eemafe eemafe.

Bjale ka mora go ba swanetse go goba mogobo ba ya morotong
ba swere mathlare ba se thibeletsitse ka ona bjale a ba
fithla mowe morotong balathlela mathlare gedimo ga ngwako owe
ba dulago go ona bjale ba dula ka madulo a bona ba ba thlabela
molao ba gobella bjale kgosi Madie o bitsa banna ka moka gore
ba e

RM/

- 17 ka gae go nwa bjala bjale mowe bodika bo sala bo dutsi
bo thabile ka gore dipelo tsa bona di gopola gore re mabapi
le go ya gae bjale mowe go swanetse gore kgosi a nyakele mo-
kgalabjwe wa sethakga kudu gore a tle a mo direle dikoma.
- Bjale o swanetse gore a tle a betle diphate tse di botse
kudu tsa diswantsho tsa diphoofolo tse dingwe di swana le di-
pitsi tse dingwe di swana le ditshwena tse dingwe di swana le
dikwena tse dingwe di swana le ditlou ka mekgwa e mentsi ya
- 18 dibatana fela ka moka ga tsona di bitwa ka leina ka le tee
la gore ke dikwalankwata bjale di ratwa ka direto tse dintsi
kudu fela monna yo mongwe le yo mongwe o swanetse go di reta
ka moreta a tsona a di supa bjale ka maina a tsona bjale
gape kudu di du etse banna ba dilete ba batswago dileteng.
Mowe a ba fithlile ba swanetse gore ba bondi bawe ba thibela
banna ba baene kowa maforong gore ba tsene ka molao wa bona o
ba o beilego gore motho o tsena ka ona bjale banna bawe
- 19 a ba gakilwe go tsena ka molao owe o beilego ba bondi bawe ba
bodika ba ba tshela ka melora diaparo tsa bona tsa sala di ne
le ditshila. Bjale a ba tsene ba ba fa tsona diswantsho
tsela tsa diphate gore ba di rete ka maina a tsona monna a thoma
go di reta o thoma ka gore matsha-matsha matsha a re matsha
ka kgoro a ke tsene ke tsena ka sebidibidi sa Lmatshumana a
tshuna se se re go ke be kae tsang, kgale ke beka etsa poo
- 20 mathemela bjale babondi bawe ba fela ba dumetsa molao wa monna
yowe bjale ka mora go ga dikgwedi tse tharo bodika bo
swanetse go aloga bo boele gae bjale go sa ne le molao o mongwe
wa gore kgosi Madie a kgobakanye ba bana a ba tsibise gore bana
ba lena ba swanetse go aloga bjale le swanetse go nyaka
makgeswa a go ba tswesa a ba aloga bjale mowe le bona babondi
bawe ba swanetse go lukisa melamo ya bona ya go aloga ka yona
bjale mowe batswadi ba bana le bona ba lukisa makgeswa le
- 21 mahura a di kolobe gore ba batle tse ka ona ka gore ke
botala ba dutsi ba sa apara selo bjale mmele wa bona o ne le
nagotsane bjale ba tseya mahura awe a dikolobe ba a gobanya le
letsoku yaba a mahubedu ba tlotsa makgeswa awe ka ona ya sala
- RM

- a re pererere-ka letsoku le mahura bjale mowe le bala ba bego
 ba bolla ba bitswa gore ke bodika ba swanetse go tlotsiwa ka
 mahura mmele ka moka go e basadi ba se ke ba lemoga gore ba be
 22 ba sa apare selo bjale mowe ba goba mogobo o mogolo ba sepala
 ba inanetse fase ba tiyanya mapara gedimo bjale mowe ka moka
 ka setshaba se thabile kudu bakgalabjwe la bakgekolo ba kgana
 ba tabogela gedimo go se ne sebaka tsatsi lewe bjale basadi
 bo mma ba ba kgana ba swere magogo a go alla bana bawe ba bona
 ba go ba ba ile go bolla ba tlatsa kgoro ka magogo bjale
 bathlangana bala ba goba ba ile go bolla ba dula kowa gedimo
 23 ga magogo bjale ba thoma go butsisa banna gore na ngwana wa ka
 o kae bjale banna ba supa bo mma bona gore wena ngwana wa go
 so bjale ba ba apesa dipheta melaleng ga bona. Bjale a ba
 sa bitswa gore ke babondi ba bitwa gore ke diyalogaane
 Bjale ba robala gona mowe kgorong ya kgosis Madie bjale
 a bo sele ka moswana e se ka moswanyana ba tsegela ka lapeng
 lewe kgosi e robetsego kantshe ba fithla ba tlala ka mowe
 24 lapeng ba losa kgosi bjale kgosi ya dumetsa ba thakgoga ba ya
 kgorong go dula ntshe bjale letsatsi a le thlaba kgosi e ya
 tsoga e ya kgorong bjale go bitwa banna ba ba tsebago ba
 tla kgorong bjale kgosi e supa kgomo ka sakeng gore kgomo e e
 swanetse go bolawa e fiwe diyalogaane tsewe di je. Bjale
 ba thlaba kgomo ewe ba e tswiya ba fa diyalogaane tsewe
 bjale bo mmabona le bokgaitsemi ya bona ba tlisa mauswa a
 mabotse go fa bana ba bona bjale mose kgosi e botsa batswadi
 25 ba bana gore bana ba lena se ba ke ba alusitse ba tseeng le
 sepele nabo fela le tla fetsa nabo dibeke tse rharo ka beke ya
 bone le tlo ba tlisa gape go tla le go boga koma le go thaola
 mararakanya. Bjale go thaola mararakanya ke go tla go apola
 dipheta tse ba aperego le go thlapa mahura awe a dikolobe.
- Bjale tsatsi lewe le lona e ba mokete o mogolo kudu go
 swana le mothla wa pele mo bodika bo sa tswa ba dira mabjala a
 26 mantsi ba rwala ba tlisa mowe kgosing ka dipita le magapa ba
 isa mowe kgosing bjale tsatsi lewe go ba le dikoma tsewe
 RM/ di ya logaane ba swanetse go gore ba di boge koma ya mathomo

ke ngwana madumo bjale yona e thoma e se ka maabana ya duma ka
 modumo o mogolo kudu kantle ga kgoro bjale banna ba thlaba
 mokgosi go e diyalogaane di e go swara koma ewe ya modumo o
 mogolo wa golekana le wa tau fela a motho a sa tsebe selo a
 27 ka tshoga kudu anthe a se selo ke motho o tkemeletse lepolanka
 ka lenti o wa le hwiditsa bjale le tlala moya le swanetse go
 duma bjale mowe diyalogaane di swanetse go nyakela monna yowe
 a dumisago lepolanka lewe go fithlela ba mo hwetsana ba mo swara.

Bjale lepolanka lewe leh bitswago gore ke ngwana madumo
 le swanetse go homola go duma bjale banna ka moka ba kgobakana
 mowe gore bjale kgosi e tle go bugisa bathlankana bawe ba bi-
 tawago diyalogaane, gape go ba bugisa koma ewe ke gore ba swa-
 28 netse go kwa tamafase ka o tee ka o tee. A teiwa ka kgati
 gobedi gobedi yo mongwe le yo mongwe a teiwa ka ona mokgwa x
 owe bjale a fedile mowe ba boela nabo ka kgorong bjale go
 nyarela koma e ngwe e ba rego ke Maalesapane bjale le yona
 e lla ka mokgwa o mongwe wa go swana le lesele la ngwana bjale le
 yona e ya tshosa kudu bjale mowe kgosi Madie o supa monna wa
 sethakga kudu gwe a tie moropa wa koma ewe fela le yona a se
 seloke marapo a dikgomo bjale mowe kgosi Madie a hwa gona
 29 mowe nageng ya Ohrigstad bjale ngwa sala ngwanabo Mametsa a
 tsea bogosi gona mowe bjale a tsea dipheko tsa go siya mogolo
 wagwe Madie bjale a bitsa setshaba sagwe ka mokaa ba kgobakanya
 a re bonang gobane setshaba sa gesu se fedile na g bjale re
 swanetse go reng, bjale setshaba re kwa gore karabo a ya ka ya
 ba gona ka gore ba be ba nyamile dipelo. Bjale Mametsa a re nna
 30 ke bona gore re swanetse go tloga mo nageng e ka gore re ya
 fela bjale mowe a dunellana x le setshaba sagwe le ngwanabo
 Moloi. Bjale ba tshaba mowe ba leba Lepelle dithabeng tsa
 Tswenyane ba fithla ba dula mowe ntshe ba thoma go lema
 ditlo marapo. Bjale Mametsa a romela ngwanabo Moloi go nyaka
 madulo a mabotse koma dithabeng tsa bodikela Strasburg. Bjale
 Moloi a tloga le seripa sa setshaba se sengwe a ya mowe
 31k Strasburg. Bjale a fithla mowe a hwetsana naga e botse
 kudu

- 31 a aga moraka mowe le seripa sa setshaba se a tswago naso. Bjale a boela ga ngwanaabo Mametsa go mo tsibisa gore naga e botse ke e bone, bjale mowe mogolowagwe Mametsa a re go lukile a ri e o dule moe ke ya tla ke sa sala ke buna ditlomarapo. Bjale a botsa basadi bagwe gore phakisang le bune ditlomarapo kapela re tloge bjale mowe re kwa ditaba tsa go makatsa gore ba ile ba leka ka bothata go phakisa go buna
- 32 ditlomarapo tsewe. Bjale gwa thoma go mela tse dingwe gape kowa ba feditse go buna tsela tsa pele bjale kgosi Mametsa a bona gore a nka di siya ke tlo loba gona go kaone gore ke eme go fithlela le tsona di loka gore ke bune x le tsona ka gore e e bee mabaka a tlalae kgolo kudu bjale a dula gape ngwaga wa bobedi bjale ngwanaabo Moloi a lebella kudu a dutsi a gopotse go mogolo wagwe o tlo fithla.
- Bjale a fela pelo a boela gape kowa tsenyane nokeng ya
- 33 Lepelle. Bjale a hwetsana ngwanaabo Mametsa a dutsi a lebeletse go ja ditlomarapo ka gore go be go se ne mabele ka ona ngwaga owe bjale a mmutsisa gore na o reng, mogolo wa ka ka gore o itse ke tsame ke nyakela madulo a mabotse bjale ke sepetse le meboto le dithaba ke tso hwetsana madulo a mabotse kudu nageng ya Strasburg bjale ka tla ka go botsa gore madulo ke ya bone wa mpotsa gore ke ya tla ke sa buna ditlomarapo. Bjale ke lebeletse a ke bone motho bjale Mametsa a fetola ngwanaabo
- 34 ka gore o wa reresana ngwaneesu bjale ke be ka re go buna ditlomarapo tsela wa godi bona kowa masemong bjale gwa mela tse dingwe ka di letela gore ke tle ke bune le tsona. Bjale Moloi a re na a o bunne tsewe o tlo tla nas. Bjale Mametsa a dunetsa gore ke tlo tla a ke feditse go buna tsona tse o di bonago gape mo masemong bjale Moloi a boela gae a holofetse gore mogolo wa ka o tlo tla bjale a fithla gae kowa Strasburg dithabeng a hetsana setshabanyana sela sagwe ka gore se be se
- 35 se sekaenyana bjale a tsibisa taba e gore ke tswa ntsho. Kowa ga mogolo wa ka o mpotsitse gore ditlomarapo tsela di be tsa sala tsa mela gape tse dingwe bjale o be a sa emetse go buna tsona fela o itse o tlo tla mongore a tle

re dule nae a feditse go buna tsewe di metse go mowe masemong.
 Bjale a sala a botsa basadi bagwe gape ena Mametsa gore phakisang
 le bune ditlomarapo kapela re tlogeng. Re latele Moloi kowa
 36 Strasburg. Bjale ba dira ka ona mokgwa o na ola ba go dira ka
 ona peleng bjale mowe ba re go buna ditlomarapo tsewe ba re
 ba sesu ba afeta go buna gwa na pula e kgolo kudu bjale ba
 lesetsa go buna ditlomarapo tsewe go lekana dibeke tse tharo
 pula e ena kudu motho a sa tswela kantle bjale mowe mothlang
 pula e khula go ba ya masemong a ditlomarapo re kwa gore kgosi
 e itse go fithla mowe masemong a hwetsana go metse tse dingwe
 37 ditlomarapo mola ba bunne go tsela tse dingwe bjale ka go thloka
 kgopolo le thlaloganyo le tsebo a makala gore na eka ba gore
 di midisa keng anthe ke gore a ba buna ditlomarapo tsewe tse
 dingwe di fela di saalla mo fase basadi bone bjale ke yona
 taba ewe tse dingwe di sala go di mela bjale re kwa gore le
 tsona tsewe o be a thoma go di letela gore a lle a di bune
 bjale mowe ngwanaabo Moloi a lebella gape ka ngwaga wa bothlano
 38 gore ke tlo bona a etla bjale gwa se ke gwa bonala motho bjale
 mowe re kwa gore le ena o be a setse a ene le setshaba se sentshi
 kudu bjale a boela gape ga ngwanaabo Mametsa go butsisa gore
 na molato keng o sa tle na. Bjale mowe re kwa gore o be a
 re go fithla mowe a mmutsisa gore na molato keng o sa tle na
 ka gore o mputsitse gore ke e go nyakela naga e botse bjale ka
 ya kowa dithabeng tsa bodikela Strasburg ka hwetsana naga
 39 e botse kudu ka boya ka tla ka go tsibisa gore ke tso hwetsana
 madulo a mabotse kowa strasburg bjale wa re o tlo tla o sa
 buna ditlomarapo ka lebella ka se go bone na bjale o sa dirang
 mowe re kwa gore Mametsa o be a fetola ka gore ke go kwile
 ngwananesu bjale bona taba ya go makatsa see, ke be ka re go buna
 ditlomarapo tsela wa go di bona gwa mela tse dingwe gape.
 Bjale ke bona e tse dintsi kudu bjale le tsona ke emetse gore
 ke di bune gape mowe Moloi a mo fetola ka lentsu la gore
 40 a o sa rate go dula le nna o mpotse ka gwe a o rate go tla
 mowe Mametsa a emaa re tuu ditsebe tsa emaa le thloogo a thloka
 se a se bolabolago bjale mowe a tsena

ka ngwakong a bitsa moratho wagwe Moloi a mmotsisa gore
 na bjale ditlomarapo tse di sala di midisa keng. Bjale ka gore
 Moloi o be a kile a di bona a thoma go mo thlalosetsa gore ke
 gore basadi a ba tomotse marite a ditlomarapo tse dingwe
 41 di salla mo fase mo go be go go metse lerite la ditlomarapo
 bjale ke yona taba e o bonago di sala go di mela gape. Bjale
 a o ka elana na tso o ka no ba wa tsafala o dulelletse tsona
 bjale mowe a thoma go bula ditsebe go theetsa bjale batho ba
 go rwala dithoto tsa bona ba ya Strasburg ba dula mowe Mametsa
 a tswela pele le go busa setshaba sagwe mengwaganyana e se mekae
 a hwa gona mowe gwa sala Moloi. Bjale le ena ya ba kgosi a
 busa setshaba sagwe ka mokgwa o lukilego kudu le setshaba se
 42 mo nyaka kudu ka gore o be a ene le bothlale bjo buntsi bja
 go kgona go thiba makgema a ba etla motseng wagwe bjale o be a
 e ne le dithlare tse dintsi tsa go loya ka tsona bjale re
 hwetsana ditaba tse dintsi kudu tsagwe ka le lengwe lebaka re
 kwa gwe bathalankana ba itse ba seema disong ba e ne le dikgomo
 le dinku bjale ka gore mo ba bego ba disa gona e be e mmotong
 bjale a ba lebella kowa tlase ba bona go thunya leretha go
 gadima marumo go se ne lebaka bjale re kwa gore go be go e ne
 43 le mothlankana yo mongwe yo mogolonyana mo ga bona a bona gore
 dilo tsela ke makgema bjale a lebella gabotse a bontshisa a
 napa a bona gore dilo tse di phadimago ke marumo le dikotse.
 Bjale a botsa ba a nego nabo gore ko rieng re tshabe re e
 gae dilo tsela dithuntshago leretha kowa tlase ke makgema
 bjale ba fithla ba hwetsana banna ba dutsi kgorong ba enwa
 bjale ba fithla ba re le dutsi le lebetse makgema a a tla re
 44 bone leretha la bona kowa tlase bjale setshaba ka mokasa thoma
 go tshaga dipolabola tsa bathlankana bawe ba godisa bjale kgosi
 Moloi ka gore go be go busa ena ka lona lebaka lewe a botsa se-
 tshaba sagwe ka moka gore ba se ke ba tsoga selo ena o tseba
 se a tlogo se dira mowe gona re kwa gore o be a tsena ka
 ngwakong a tseya dipheko tsagwe a gasa matheko ga motse
 ka moka a di kuluga bjale makgema a ba lebella ba e kowa tlase

ba bona motse o mogolo kudu le dikgomo le dinku le batho ba
 45 bantsi bjale mowe ba tloga ka lebelo ba bakile mowe motseng
 bjale re kwa gore a ba setse ba batametse mowe motse wa kgosi
 Moloi mathlo a bona a be a fifala bjale mowe ba gakanega ba
 se ke ba tseba gore na motse o ba bego ba o bona o go kae
 fela re kwa gwe go ba kwa gona ba be ba bakwa a ba bolabola
 bjale mathlo a sitwa go bona bjale ba tloga ba e ka ona mokgwa
 ona owe ba boela gape kowa tlase ba go ba ba eme gona a ba
 thoma go bona motse owe bjale a ba fithla gona mola ba go ba
 46 ba eme gona mathlo a bona a thoma go bona gabotse bjale ba
 ema ba lebella kowa thabeng ba bona motse ola o bonala gape
 go swana le peleng bjale ba thoma go makala gore na e kaba
 mathlo a rena a be a dirile keng a re sa kgone go bona motse
 ola wa dikgomo tse dintsi le dinku tse dintsi. Bjale ba
 thoma go tsuba tea gabo dipheko gore bae ba kgone go tsena kowa
 motseng ba bolae setshaba ka moka ba gape dikgono le dinku
 bjale mowe re kwa gore ba be ba fathlela marumo gore re tlo ya
 47 re tsena fela re kwa gore a ba a ka ba dira selo tsewe ka noka e
 be ya bale feela bjale ba re go bona gore re paletswe ba
 feta mowe ba ya ga Maake go phuma setshaba sa mowe bjale mowe
 gona re kwa gore ba ileba bolaya batho kudu batswa ba gapa dikgo-
 mo tse dintsi. Bjale re kwa gore ba ga Maake ba be ba setse
 ba romile motho go tsibisa ba ga Sekororo gore ka mono re ya
 fela bjale ba ga Sekororo ba tsibisa ba ga Mametsa ka go tseba
 gore kgosi Moloi o ne le dipheko tse dintsi kudu tsa go fenya
 48 Makgema ka tsona bjale mokgosi wa lla ba ga Mametsa ba fithla ga
 Sekororo bjale ba thoma go bolabola ditaba tsewe tsa go ya go
 thusa Maake ka lona lebaka lewe re kwa gore Makgema le ona
 a be a setse a gapile dikgomo tse dintsi tsa ga Maake bjale
 Makgema a fithla nokaneng e ba re go ke Tsola-metsi. Ba robala
 gona anthe ba ga Mametsa le ba ga Sekororo ba setse ba ba bone
 mowe ba robotsego gona makgemax awe bjale kgosi Moloi a
 botea Sekororo gore re tlo ba ela bosego anthe ke gore ena o
 tseba se a tlo go

RM/

49 se dira bjale re kwa gore o be a e ne le kgogo yagwe e a e dirago ka dipheko a ba e ya go thlabana ntwā. Bjale kgogo ewe o be a re go e fotla ka dipheko a e beya fase ya robala bjale a ba bona e kgometse le boroko ke gore le ona Makgema ala a kgometse bjale ba thoma go tloga ba ya Tsola-netsi dithabaneng tsa lekotla ba ya ba fithla mowe ba hwetsana makgema a ile le boroko ka moka bjale ba bolaya ka moka ga bona ba siya o tee ba mo lesetsa ba gapa dikgomo tsela tsa ga Maake ba boela natso

50 ga Sekororo. Bjale re kwa gore le ena yowe ba go mo siya mowe ba filo mo siya a robetse bjale a ba fithlile kowa ga Sekororo kgosi Moloi a tsosa kgogo ela yagwe ea dipheko bjale mowe ya ba gona monna yola wa lekgema a phafogago a thoma go lebella matheko ka moka a hwetsana gore naga ka moka a go sa ne motho ba hwile ka moka go tletse ditototsa batho ba go hwa go tletse madi fase ka moka e le le lehubedu ka madi a tloga mowe monna ewe wa lekgema a ya ga gabo go ba thlabela mokgosi gore re fedile

51 a go sa ne motho bjale re kwa gore Maake o be a leboga magosi awe ka masome a a supago a dikgomo. Bjale Mametsa a gapa masome a mararo le kgomo tse tharo Sekororo le ena a sala le masome a mararo le kgomo tse disupago gape ditaba tsa kgosi Moloi re kwa gore o be a dira methlolo e mentsi kudu gape methlolo e a kilego a e dira see: Re kwa go e go na mowe mmotong owe a goba a dutse gona go be go ene le letlapa le legolo kudu le letelele

52 bjale mowe re kwa gore letlapa lewe le be le ratega kudu bjale ba ga Mothlabe ba be fela ba le bona a ba sepela tse ka ga Mametsa anthe le bona ba kganyoga letlapa lewe gore nka be le dutse mmotong wa gabo bona fela ba le bona bjale ka gore Moloi ena o be a nata letlapa lewe a bile a le retse leina la gore ke lekene tlapa la bakoni a maanakana phuthi ge t ona bjale re kwa gore ba ga Mothlabe ba be ba ya ka dithuri. Bosego go ya go rwala letlapa lewe gore le e ga gabo bjale ka gore letlapa lewe le be le okametse ke leweng la go lebana ga Mothlabe bjale mowe

53 Baloi ba ga Mothlabe a ba fithla mowe ya ba gore kgosi Moloi o setse a ba bone gore ba ga Mothlabe se bala ba ya go tseya letlapa ka lela la ka la go rate ga kudu ka dithuri bjale mowe re kwa gore

kgosi Moloi o be a bula phefo e kgolo kudu e a fufurela Baloi
 bawe ba ga Mothlabe ba tshaba ba siya letlapa lewe ba boela ga gabo
 re kwa gore kgosi Moloi o be a sala a e theta ka sereto sa gore
 ke nna Moloi a makwa mare makadile mahuba-hube a selepe hubala se-
 lepe sa mmagomela go rema fela lona letlapa lewe le see gona
 54 le lehono le rena re sa no fela re le bona ke letlapa le legolo
 kudu le lebotse le letelele kudu fela le dutsi gedimo ga
 matlapa a mangwe a manyanyane kudu a nkego a ka wa bjale le
 gona le lebelletse ka leweng le legolo la noka ya kgorong bjale
 mowe kgosi Moloi a hwa, mowe a goba a dutai gona maruping ga
 Tshokwe mabapi le noka ya Mosiditswana ke gona mowe lebitla la
 kgosi Moloi le nego gona mowe re kwa gore mafelong a ngwaga ba be
 55 ba isa dikgomo mowe lebitleng ba e ya ba kwatama fase ka matolo
 ba phuphuthela mowe lebitleng gore medimo ya se ke ya ba tsogela
 bjale mowe a ba feditse go phuphuthela ba swanetse gore ba
 thlabe kgomo ba e apee ka dipitsa bjale ba bitse bana ka moka
 gore ba tle le mauswa a bona ba tle go ja nama ewe gape nama
 ya mowe badimong a e lokwe ka letswai ba re wa loka ka letswai
 medimo ya tsoga gape a ba tloga mowe ba swanetse gore ka moka
 ga bona ba tlemelle mekgopana mo matsogong a bona ka moka
 ke tshupo ya gore re tswa badimong.

END S 834.